

BOSNA I HERCEGOVINA
FEDERACIJA BOSNE I HERCEGOVINE,
TUZLANSKI KANTON
OPĆINSKI SUD U TUZLI
Broj: 32 0 St 432792 22 St
Tuzla, 16.02.2023. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom **„DIAMOND TRAVEL“ doo Banovići, ul. Božićka Banovića 6, Beta Centar Banovići**, nakon provedenog stečajnog postupka donio je dana 16.02.2023. godine slijedeće

R J E Š E N J E

OTVARA SE stečajni postupak nad imovinom dužnika **„DIAMOND TRAVEL“ doo Banovići, ul. Božićka Banovića 6, Beta Centar Banovići**, matični broj subjekta 32-01-0130-21, JIB: 4210459000002.

Za stečajnog upravnika imenuje se Maja Musemić iz Tuzle, Maršala Tita 60.

ZAKLJUČUJE SE stečajni postupak nad imovinom dužnika **„DIAMOND TRAVEL“ doo Banovići, ul. Božićka Banovića 6, Beta Centar Banovići**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 432792 22 St od 31.10.2022. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva **„DIAMOND TRAVEL“ doo Banovići, ul. Božićka Banovića 6, Beta Centar Banovići**, a za privremenog stečajnog upravnika imenovana je Maja Musemić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 30.11.2022. godine. Iz izvještaja privremenog stečajnog upravnika proizilazi da društvo prema knjigovodstvenoj evidenciji nema evidentiranih kako dugoročnih tako i kratkoročnih obaveza, dok iz uvjerenja Porezne uprave F BiH KPU Tuzla proizilazi da društvo ima duga po osnovu javnih prihoda u iznosu od 2.449,86 KM. Iz podataka koje je prikupio privremeni stečajni upravnik kod Općinskog suda u Kaknju, Općinskog suda u Tuzli i Općinskog suda u Banovićima vodi se 23 sudska spora. Budući da se radi o knjigovodstvenoj evidenciji, pretpostavka je da je dug i veći. Iz izvještaja iz jedinstvenog registra računa Centralne banke BiH od dana 07.11.2022. godine proizilazi da stečajni dužnik nema evidentiran niti jedan račun, a što je konstatovano i u izvještaju privremenog stečajnog upravnika. Društvo ne raspolaže imovinom iz koje bi se mogle izmiriti obaveze društva.

Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 21.11.2022. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 6.700,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 1/23 dana 11.01.2023. godine, oglasnoj tabli suda dana 28.12.2022. godine i na web stranici suda, kojim se objavama javni poziv smatra dostavljenim.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.